

Bosna i Hercegovina
FEDERACIJA BOSNE I HERCEGOVINE
EKONOMSKO - SOCIJALNO VIJEĆE ZA TERITORIJU FEDERACIJE BIH

Broj: 03-30/14-6/25
Sarajevo, 01.12.2025. godine

Z A P I S N I K

sa X. redovne sjednice Ekonomsko-socijalnog vijeća za teritoriju Federacije Bosne i Hercegovine, održane dana 01.12.2025.godine u 11:00 sati

Sjednicom predsjedava dr. sc. Čengić Safudin, predsjednik Ekonomsko-socijalnog vijeća za teritoriju Federacije Bosne i Hercegovine.

Na početku sjednice, predsjednik je konstatovao da sjednici prisustvuje 18 članova Ekonomsko-socijalnog vijeća za teritoriju Federacije Bosne i Hercegovine i to:

PREDSTAVNICI VLADE FEDERACIJE BIH:

Nermin Nikšić, Adnan Delić, Vojin Mijatović, Vedran Lakić i Kemal Hrnjić, članovi delegacije Vlade FBiH.

PREDSTAVNICI UDRUŽENJA POSLODAVACA U FEDERACIJI BIH:

Nihad Imširović, Mario Nenadić, Adnan Smailbegović, Rasim Memagić, Snježana Köpruner, Venan Hadžiselimović i Vinko Mikulić, članovi delegacije Udruženja poslodavaca FBiH.

PREDSTAVNICI SAVEZA SAMOSTALNIH SINDIKATA:

Samir Kurtović, Zijad Latifović, Lejla Ćatić, Mevludin Bektić, Dubravko Pervan i Ilvana Smajlović, članovi delegacije Sindikata.

Sjednici nisu prisustvovali:

Toni Kraljević i Nediljko Rimac, članovi delegacije Vlade FBiH, te **Mirza Hadžiabdić**, član delegacije Sindikata.

Pored prisutnih članova Ekonomsko-socijalnog vijeća za teritoriju Federacije Bosne i Hercegovine (u daljem tekstu: ESV), sjednici su prisustvovali i članovi Stručne službe ESV-a.

Nakon uvodnog izlaganja, predsjednik ESV-a predložio je sljedeći Dnevni red:

1. Razmatranje i usvajanje Zapisnika za IX. redovne sjednice ESV-a FBiH;

2. Informacija o implementaciji mjera Vlade FBiH:

- Uredbe o isplati pomoći radnicima od strane poslodavca,
- Uredbe o mjerama finansijske pomoći za očuvanje radnih mjesta u Federaciji BiH za 2025. godinu,

- Uredba o mjeri finansijske pomoći niskoakumulativnih djelatnostima u FBiH u cilju podržavanja postojećih radnih mjesta za 2025.godinu.
- 3. Informacija o statusu inicijativa ESV-a FBiH za izmjene i dopune:**
 - Zakona o doprinosima Federacije BiH,
 - Zakona o zdravstvenom osiguranju Federacije BiH.
- 4. Informacija o realizaciji zaključaka sa prethodne sjednice ESV-a:**
 - Uredbe o visini dnevnica za službena putovanja.
- 5. Dogovor oko pripreme i organizacije sastanka vezano za minimalnu platu u 2026. godinu.**
- 6. Tekuća pitanja:**
 - Isplata pomoći poslodavcima koji su izmirili Uredbom predviđene obaveze i ispunili kriterije za isplatu.

Predloženi Dnevni red jednoglasno je usvojen.

Ad. 1

Zapisnik sa IX. redovne sjednice ESV održane dana 13.11.2025. godine, uz poziv za sjednicu, prethodno je dostavljen svim članovima.

Imajući u vidu da nije bilo izmjena, dopuna ili primjedbi na predloženi tekst **Zapisnik sa IX. redovne sjednice ESV FBiH jednoglasno je usvojen.**

Ad.2

Vojin Mijatović, član delegacije Vlade FBiH, obrazložio je prisutnim članovima ESV-a Izvještaj o realizaciji Uredbe o mjerama Vlade FBiH za očuvanje radnih mjesta u FBiH za 2025.godinu, koji je prethodno dostavljen u vidu materijala za današnju sjednicu. Istakao je da je za prvih devet mjeseci tekuće godine isplaćeno 65.634.950 KM te da je prosječan broj korisnika za devet mjeseci bio 11.830 kompanija, sa prosječnim brojem od 58.851 radnika. Također, naglasio je da je uz analize trendova broja zaposlenih u FBiH za prvih devet mjeseci, uzimajući u obzir nestandardne oscilacije vezane za sektor poslovanja i sezonske poslove, uredba imala puni efekt i da bez sumnje, ne samo ona, već i drugi elementi kao što je smanjenje doprinosa, u velikoj mjeri pomogli su očuvanju radnih mjesta u FBiH. Istaknuo je da su preostala još tri mjeseca za implementaciju ove Uredbe. Uredba se može ocijeniti kao efikasna i finansijski održiva, posebno u smislu osiguravanja većeg povrata na tržištu rada. Također napomenuo je da su se smanjili doprinosi za 5,5 indeksna poena, odnosno 13,25% te da se sve žalbe i pritužbe redovno rješavaju i da će iste biti isplaćene u tekućem ili sljedećem mjesecu.

Nakon uvodnog izlaganja g-dina Mijatovića, predsjednik ESV-a dao je mogućnost članovima ESV-a da se obrate te daju svoj komentar na izložene podatke i eventualno postave pitanja.

Mario Nenadić, član delegacije Udruženja poslodavaca FBiH uputio je prijedlog da se za preostali period tekuće godine, onima koji u međuvremenu ostvare uvjete za pristup sredstvima u skladu sa Uredbom, ista dodijele.

Vojin Mijatović, je istakao da sa aspekta efikasnosti implementacije Uredbe, bilo dva do tri posto manjih grešaka koje su se dogodile i koje će biti ispravljene u narednom

periodu. Također je naglasio da će se razmotriti primjena Uredbe u preostala tri mjeseca s tim što se mora obratiti pažnja na budžetska ograničenja.

Nermin Nikšić, član delegacije Vlade FBiH, je istakao da postoji Komisija koja odlučuje o prigovorima koje podnose poslodavci te da se sve provjerava sa Poreznom upravom i nakon toga odlučuje da li će prigovor biti uvažen ili ne uz detaljno obrazloženje.

Vojin Mijatović, član delegacije Vlade FBiH je objasnio da je u prva tri mjeseca bilo dosta prigovora zbog obračuna u Poreznoj upravi i izmirenja obaveza od strane poslodavaca te naglasio da je i to u postupku rješavanja.

Adnan Smailbegović, član delegacije Udruženja poslodavaca FBiH, je postavio pitanje da li postoji mogućnost izmjene Uredbe u dijelu da kada poslodavac izmiri obaveze za prethodna dva ili tri mjeseca ostvari pravo na subvenciju doprinosa u tekućem mjesecu, odnosno postoji li mogućnost retroaktivne primjene Uredbe.

Nermin Nikšić, član delegacije Vlade FBiH istakao je da je teško da se Uredba u tom dijelu mijenja jer bi se neki poslodavci koji nisu to uradili bili u nepovoljnijem položaju te da se ne može retroaktivno utvrđivati pravo.

Samir Kurtović, član delegacije Sindikata, istakao je da su regulative jasno definisale i poboljšale status, posebno poslodavaca od strane ESV-a i Vlade, a da sindikat naglašava da ne bi smjelo biti diskriminacije prema radnicima odnosno da radnici treba da imaju određene dodatke na platu s obzirom da su rasterećeni od plaćanje određenog dijela doprinosa. Pozvao je sve poslodavce da dio za koji su bili oslobođeni od plaćanja doprinosa isplate radnicima u korist većeg zadovoljstva i rada zaposlenih.

Nakon zaključene rasprave, predsjednik ESV-a predložio je donošenje sljedećih zaključaka:

- ***Ekonomsko - socijalno vijeće za teritoriju Federacije Bosne i Hercegovine prima ka znanju prezentiranu informaciju i podržava aktivnosti Vlade FBiH i Federalnog ministarstva razvoja na dosljednoj implementaciji Uredbe o mjerama Vlade FBiH za očuvanje radnih mjesta u FBiH za 2025.godinu.***
- ***Ekonomsko - socijalno vijeće za teritoriju Federacije Bosne i Hercegovine podržava stav Vlade FBiH i Federalnog ministarstva razvoja, poduzetništva i obrta da se svim poslodavcima koji su ispunili uvjete iz Uredbe o mjerama Vlade FBiH za očuvanje radnih mjesta u FBiH za 2025. godinu omogućiti da, od mjeseca ispunjenja uvjeta, ostvare pravo na subvenciju doprinosa razlike ranije minimalne plate (620 KM) do novo utvrđene minimalne plate u iznosu od 1.000 KM.***

Nakon iznesenog prijedloga zaključaka, predsjednik ESV-a je dao na glasanje prijedloge istoga. Delegacije su glasale, nakon čega je **predsjednik ESV-a konstatovao da su predloženi zaključci jednoglasno usvojeni.**

Ad.3

Predsjednik ESV-a je upoznao prisutne da je Stručna služba ESV-a uputila dopise Federalnom ministarstvu zdravstva da se izjasne na inicijativu o izmjeni i dopuni Zakona o zdravstvenom osiguranju Federacije BiH, ali do današnjeg dana nije dobiven odgovor.

Nermin Nikšić, član delegacije Vlade FBiH, istako je da se u skladu sa zaključcima donesenim na prethodnom sastankom ESV-a ide ka smanjenju stope doprinosa uz

donošenje Zakona o fiskalizaciji s naglaskom da se mora voditi računa o očuvanju budžeta s obzirom da su ovim mjerama smanjeni i doprinosi za penzijsko-invalidsko osiguranje, te da je to kategorija o kojoj se posebno mora voditi računa s obzirom da su i izmjene tog Zakona u toku.

Podijelio je informaciju da je započela izrada Zakona o zdravstvenom osiguranju u FBiH, te naglasio da se mora donijeti odluka da li da se bolovanje od 42 dana smanji na tri sedmice te istakao da ima prijedloga da se zdravstveno osiguranje prebaci na budžetsko finansiranje. Također, istako je da je Federalno ministarstvo zdravstva počelo sa pripremom Zakona o izmjenama i dopunama Zakona o zdravstvenom osiguranju.

Nakon izlaganja predsjednik ESV-a dao je mogućnost članovima ESV-a da se obrate i postave pitanja.

Adnan Delić, član delegacije Vlade FBiH, upoznao je prisutne da se na dnevnom redu naredne sjednice Parlamenta FBiH mogu naći Prijedlog Zakona o posredovanju i zapošljavanju i socijalnoj sigurnosti nezaposlenih osoba i Prijedlog Zakona o izmjenama i dopunama Zakona o strancima.

Nihad Imširović, član delegacije UP FBiH, pozdravio je usvajanje prve faze smanjenja doprinosa i naglasio da se mora u tom pravcu i dalje nastaviti. Upoznao prisutne koliko su poslodavci, u toku tekuće godine, imali finansijskih izdataka u odnosu na isti period prethodne godine.

Nermin Nikšić, član delegacije Vlade FBiH, podržao je razmišljanja da se mora raditi na poboljšanju statusa radnika i rasterećenja poslodavaca.

Samir Kurtović, član delegacije Sindikata, istakao je da je sindikat uključen iz procesa razmatranja izmjena ovih zakona.

Vojin Mijatović, član delegacije Vlade FBiH, dodao je da će sljedećim izmjenama doprinosa Federacija BiH imati najniža stopa doprinosa u regionu.

Zijad Latifović, član delegacije Sindikata, upoznao je prisutne sa analizom podataka za uplatu doprinosa za mjesec koji je imao 21 radni dan i nije bio obuhvaćen smanjenjem stopom doprinosa. Istakao je da se poslodavci trebaju rasteretiti, ali da se treba naći neki novi modus kako se radnici mogu namiriti kada koriste bolovanje.

Predsjednik ESV-a je zaključio da se ovo može razmatrati „kada na dnevnom redu bude zakon“, odnosno da se prethodna izlaganje ne odnose na konkretnu tačku dnevnog reda.

Adnan Smailbegović, član delegacije Udruženja poslodavaca FBiH, istako je da je za plaćanja doprinosa za nezaposlene propada veliki iznos sredstava, te istakao da se sve aktivnosti moraju usmjeriti na suzbijanje sive ekonomije. Naglasio je da se treba pratiti i veliki broj zloupotrebe bolovanja, te istako da se putem izmjene Zakona to može regulisati.

Snježana Köpruner, član delegacije Udruženja poslodavaca FBiH, istakla je da smatra da je odluka o smanjenju doprinosa i odluka o minimalnoj plati u praksi donijela pozitivne rezultate.

Adnan Delić, član delegacije Vlade FBiH, naglasio je da niko nije rekao da će Zavod zdravstvenog osiguranja odmah preći na trezor već da je to jedna od opcija, te konstatovao da nedostaje sredstava u penzijsko-invalidskom osiguranju. Također istakao je da u sklopu Federalnog ministarstva rada i socijalne politike proveo analizu bolovanja i da je ista bila zabrinjavajuće u pogledu zloupotreba bolovanja, te da

radnike koji rade treba nagraditi, ali i da treba ograničiti bolovanje od strane zaposlenih koji to zloupotrebljavaju.

Nihad Imširović, član delegacije Udruženja poslodavaca upoznao je pristune o iznosima doprinosa i povećanjima u odnosu na prethodnu godinu.

Ilvana Smajlović, član delegacije Sindikata, je istakla da u pogledu Zakona o zdravstvenom osiguranju, uplata odnosno refundacija poslodavcima za bolovanje radnika u trajanju od 42 dana, nije iznos koji je zaposleni zapravo primio kroz platu, već taj iznos određuje Upravni odbor zdravstvenog osiguranja, a to je vrlo često mnogo manje od onoga što zaposleni ostvari.

Mevludin Bektić, član delegacije Sindikata, je istako da treba vrjednovati radnike i da radnici treba da budu u meritumu te da se poveća cijena rada.

Nakon zaključene rasprave, o ovoj tački Dnevnog reda, predsjednik ESV-a predložio je donošenje sljedećeg zaključka:

- ***Ekonomsko - socijalno vijeće za teritoriju Federacije Bosne i Hercegovine konstatira da Zakon o izmjenama i dopunama Zakona o doprinosima može biti predmet rasprave nakon što parlament usvoji Zakona o fiskalizaciji transakcija u FBiH.***
- ***Ekonomsko - socijalno vijeće za teritoriju Federacije Bosne i Hercegovine traži od Ministarstva zdravstva da u najkraćem mogućem roku pripremi i dostavi na razmatranje Izmjena Zakona o zdravstvenom osiguranju FBiH.***

Nakon iznesenog prijedloga zaključka, predsjednik ESV-a je dao na glasanje prijedlog istog. Delegacije su glasale, nakon čega je **predsjednik ESV-a konstatovao da je predloženi zaključak jednoglasno usvojen.**

Ad.4

Nermin Nikšić, član delegacije Vlade FBiH istakao je da je pripremljen prijedlog izmjene Uredbe o naknadama troškova za službena putovanja, te da je isti upućen Federalnom ministarstvu finansija na mišljenje, nakon čega će se nastaviti sa daljom procedurom.

Samir Kurtović, član delegacije Sindikata, istakao je da je sindikat predložio povećanje dnevnica za službena putovanja sa 25,00 KM na 40,00 KM.

Nakon zaključene rasprave, o ovoj tački Dnevnog reda, predsjednik ESV-a predložio je donošenje sljedećeg zaključka:

- ***Ekonomsko-socijalno vijeće za teritoriju Federacije Bosne i Hercegovine očekuje da na sljedećoj sjednici ESV dobije informaciju da je Vlada donijela novu Uredbu o maksimalnom iznosu dnevnica za službena putovanja u Bosni i Hercegovini.***

Nakon iznesenog prijedloga zaključka, predsjednik ESV-a je dao na glasanje prijedlog istog. Delegacije su glasale, nakon čega je **predsjednik ESV-a konstatovao da je predloženi zaključak jednoglasno usvojen.**

Ad.5

Predsjednik ESV-a je predložio je da se formira Radna grupa koju će činiti po dva predstavnika (ispred Vlade, Sindikata i poslodavaca) koji će na zajedničkom sastanku iznijeti svoje prijedloge po pitanju najniže plate za 2026. godinu o kojima će se

raspravljati. Također, predložio je da se početkom naredne sedmice održi sastanak Radne grupe, a da do sutra socijani partneri dostave imena svojih predstavnika kako bi se sjednica ESV-a planirala za sedmicu od 15-20. 12. 2025. godine.

Adnan Smailbegović, član delegacije Udruženja poslodavaca FBiH, predložio je da se prije održavanja naredne sjednice ESV-a pokušaju usaglasiti stavovi o minimalnoj plati kao i nastavak primjene postojeće Uredbe o pomoći uposlenicima od strane poslodavaca kao i Uredbe o mjerama Vlade FBiH za očuvanje radnih mjesta u FBiH za 2025. godinu.

Nermin Nikšić, član delegacije Vlade FBiH, istakao je da se slaže sa članom delegacije Udruženja poslodavaca te je naglasio da se mora postići usaglašavanje o konkretnom pitanju prije izlazaka u javnost da se naglasi da je to prijedlog a ne dogovor, odnosno da se naglasi da nema usaglašanih stavova kada je u pitanju ESV ili Vlada nego da su to prijedlozi pojedinaca.

Nihad Imširović, član delegacije Udruženja poslodavaca FBiH, istakao je da u potpunosti podržava da se razgovora i dogovora o svim tačkama navodeći sve relevantne argumente na obostrano zadovoljstvo i poslodavaca i zaposlenih.

Samir Kurtović, član delegacije Sindikata, je istakao da su mediji zvali i pitali o iznosu minimalne plate, te je istakao da treba napraviti razliku između osnovne, srednje i visoke stručne spreme. Dodao je da je u medijima bila informacija da će minimalna plata biti 1.200,00 KM, odnosno da je ministar Mijatović predložio navedeni iznos čemu on daje podršku.

Predsjednik ESV-a je istakao da na današnjoj sjednici nije tema minimalna plata te naglasio da se treba držati dnevnog reda.

Vojin Mijatović, član delegacije Vlade FBiH je istakao je da nije nikada izjavio da će minimalna plata iznositi 1.200,00 KM te je zamolio da se ubuduće prije reakcija na „izmišljene izjave“ isto provjeri.

Ad.6

Imajući u vidu da je tokom rasprave u tački 2. donesen zaključak o primjeni Uredbe o mjerama Vlade FBiH za očuvanje radnih mjesta u FBiH za 2025. godinu, odnosno da se omogući poslodavcima da, od mjeseca ispunjenja uvjeta Uredbe, ostvare pravo na subvenciju razlike doprinosa ranije minimalne plate, pod ovom tačkom nije vođena daljnja rasprava.

Na kraju sjednice, zajednički stav je bio da se u ime Ekonomsko-socijalnog vijeća za teritoriju Federacije Bosne i Hercegovine predstavnicima medija, obrati Safudin Čengić kao predsjednik ESV-a.

Sjednica Ekonomsko - socijalnog vijeća za teritoriju Federacije Bosne i Hercegovine završena je u 12:45 sati.

PREDSJEDNIK

Dr.sc. Safudin Čengić

Zapisnik sačinila:

Erna Česko